

《金剛般若波羅蜜經導讀》 補充講表

◎附表八：以下糅合《金剛經講義》

○須菩提！菩薩無住相布施。福德亦復如是不可思量。

◆十方虛空無相，而不礙諸相發揮，正似布施不住相。不住相而布施，正似虛空不可思量。

蓋善男子、善女人，既發阿耨多羅三藐三菩提心，有成佛資格，故教以不住相布施。

○須菩提！菩薩但應如所教住。（教：佛之言教。）

◆歸結到無住乃是正住，正指應無所住，又答應云何住。上文皆說不住無住，此忽言如所教住。意謂應依我所說之教而住，明是住而無住，無住而住，不是斷滅。玩但應二字，可見除依我之不住無住外，別無他住。且含有降伏之意，降伏即降伏此住也。又但應者，意謂應如我所教之不住二邊之住而住，方是正住。

○已四、更明所以一科，有四要義：

(一) 上來但以虛空喻福德不可思量，釋明應不住相行施之故。此中更明若不住相，則能見如來性體，此福德之所以如虛空不可思量也。

(二) 上來說不住相，防止不了者，疑為滅相。此中更明是不取著，並非斷滅其相，所謂若見諸相非相即見如來。此是不住相之所以也。

(三) 上來說因行，應不住相，防疑不但一切眾生皆有苦果之四大五蘊身相，即世尊極果亦現丈六八尺三十二身相，云何不住？今明其皆不可住。約果德說，住則不能見如來。約苦果說，住則不能見本具之如來藏矣。此是但應如所教住，亦即應不住相之所以也。

(四) 小乘性相不融，既以音聲色相為佛，其自修又取墮著無為。今明供佛須不著色相而見如來，自修亦不應偏空，但不著相，則色即是空，相即是性，性相圓融，無礙自在。此正世尊說般若法，令得回小向大之所以也。

○須菩提！於意云何？可以身相見如來不？

◆身相二字，舊解皆指三十二相之應化身言。如此則下文三十二相，豈非重複？金剛經一字一句皆有深意，決無重複者。此身相二字，應就眾生之本身言。如來二字，指眾生本有之法身言。上文處處言不住相，即令人會相歸性也。佛教以不住相，即令眾生自見所藏之如來，如此解釋比較親切。佛意若謂，汝等眾生，能就身相見汝之本性耶？

○不也，世尊！不可以身相得見如來。何以故？如來所說身相，即非身相。

◆性即相之體，相即性之用。相非性不融，性非相不顯。離相即無所謂性，離性即無所謂相，但看執著與不執著耳。

◆約相說是身相，約性說當體即空，性本無相。約相說相是相，性是性，相是虛妄，性是真實，故云不可。約性說相，本是當體即空，性可融相，真實之理即顯，何必離虛妄之相，得見真實之性，故云：得見如來。能知相空即得見性，如此解釋方與尊者請法相合。

○佛告須菩提：「凡所有相，皆是虛妄。」

◆虛妄猶言虛假，既知是虛假，應回光返照，不可向外馳求於相，從速歸性。性本真實，豈能以虛假見真實耶？

◆「凡所有相，既是虛妄」，皆不當住。故上說法相，說非法相，即包一切相，佛說不住相，即是令人見如來。若執應化身，即不能見法身，故不住相，即令人見性。又不住相是不執著。不執著即不為相所轉，並且相反為我所轉。故祇須了知是虛妄，不必斷滅且亦不可斷滅，蓋相本由性現也。

○若見諸相非相，即見如來。（非：離也，不住也，即不執著之意）

◆諸相即一切相，即凡所有相。祇須徹底明瞭一切相皆是虛妄，即不逐妄，即知有真。故見諸相非相，則相不能障性，即見如來，何必滅相，即相可以見性也。汝答得見如來，極是。見字亦有功夫，要真能見諸相非相方可。若祇是說理，即不能見如來。

諸相：諸法，因緣所生法：表有
 非相：空相，因緣性空……表空
 空有同時，為雙照之中觀，即見如來（中道第一諦）

◆非相

即不住有（因緣所生法），非有——空也。（雙遮）
 即不住空（空：涅槃也），非空——有也。（雙照）
 非空非有，空有同時
 （中道第一義諦觀）

◆凡所有相皆是虛妄，一住即妄。故前文開口即言降伏不言住，何以又說若見諸相非相，即見如來，此是說不住之益。

◆遮詮

※《楞嚴經》卷第二云：「見（八識見分。）與見緣（八識相分。見相二分，皆依他起性。），并所想相（此不了依他，而起遍計。），如虛空華，本無所有。此見及緣，元是菩提妙淨明體。」

※《楞嚴文句》卷第二云：「見與見緣，并所想相，如虛空華，本無所有，離一切相也。」

此見及緣，元是菩提妙淨明體，即一切法也。……以要言之，離一切相，

即所謂終日隨緣，終日不變。即一切法，即所謂終日不變，終日隨緣。」

※《金剛經破空論》云：「自此以下，皆為問答遣疑也。恐有疑曰：菩薩施時，不住於相，

云何致成果時福相？故逆問曰：可以身相見如來不？尊者已達法身真理。隨即答曰：

不可以身相得見如來。何以故？如來所說身相，即非身相。蓋實相不變隨緣，說為身

相；隨緣不變，即非身相。此則已悟報化非真，不離於真。佛迎其解而廣之曰：凡所

有相，皆是虛妄。不惟取報化修德之相，名為虛妄；即復取法身性德之相，亦是虛妄。

若見諸相非相，如達全波即水，無別波相；全漚即海，無別漚相，則不於法身外，別

取報化相；亦不於報化外，別取法身相；而頭頭法法，皆是如來一體三身矣。」